



Cumün da vaschins Zernez

Protocol

Radunanza da vaschins da gövgia, als 10 december 2020, a las 20.00, i'l auditori dal center dal Parc Naziunal Svizzer a Zernez

Preschaints: 13 vaschinas e vaschins cun dret da vuschar

S-chüsats: Mirco Depeder

Tractandas:

- 1. Salüd e bivgnaint**
 - 2. Tscherna dad ün fin duos scrutinadurs**
 - 3. Protocol da la radunanza dals 10 da lügl 2020**
 - 4. Metter in net contrats existents in connex cul terrain da vaschins sü Buffalora**
Las parcelas da vaschins in Buffalora as rechattan sün territori dal cumün da Val Müstair. Quel introdüa uossa il cudesch fundiari federal ed uschè han ils seguaints contrats existents da gnir miss in net per tils portar aint il cudesch fundiari Val Müstair.
 - *Dret da passagi per la lingia d'aua suos-cha e meteora a charg da nossa parcella no. 2645 ed a favur da las parcelas 2573 (restorant Buffalora) e no. 2640 (PNS).*
 - *Barat d'adöver da terrain cul Parc Naziunal Svizzer per l'Alp Buffalora (liquidaziun d'üna decisiun dals 27 favrer 1998 dal cumün da vaschins vegl da Zernez)*
 - 5. Dumondas da cumprita da terrain e da servitut in connex cul schlargiamaint da la via chantunala dal Flüela sü Chant Sura**
 - *Vendita da terrain ca. 356 m2 pel schlargiamaint da la via chantunala*
 - *contrat da servitut per üna lingia d'aua e forz'electricica a charg da las parcelas 2446 e 2437 a favur dal Chantun Grischun*
 - 6. Tschernas pel trienni dal 2021-2023**
 - *President*
 - *Suprastanza cumpletta*
 - *Cumischiun sindicatoria (2 commembers)*
 - 7. Orientaziuns e varia**
-

1. Salüd

Il president salüda la radunanza e giavüscha la buna saira. El constatescha cha la bannida es ida oura per temp sco üsità e cha la radunanza es abla da decider. El preschainta la glista da tractandas e lascha approvar quella da la radunanza.

2. Tscherna da duos scrutinaduors

Sco scruttinadurs vegnan tschernüs Jon Andrea Könz e Fritz Felix

3. Protocol da la radunanza dals 10 da lügl 2020

Il protocol es stat exposé illas assas nairas e sül la pagina d'internet dal cumün. El vain approvà sainza discussiun.

4. Metter in net contrats existents in connex cul terrain da vaschins sü Buffalora

Las parcelas da vaschins in Buffalora as rechattan sün territori dal cumün da Val Müstair. Quel introdüa uossa il cudesch fundiari federal ed uschè han ils seguaints contrats existents da gnir miss in net per tils portar aint il cudesch fundiari Val Müstair. A man da plans da situaziun declera il president la situaziun in Buffalora e la radunanza va tras las duos propostas da contrat e sclerischa dumondas avertas, avant co trar las decisiuns

Il contrat nouv pel dret da passagi per la lingia d'aua suos-cha e meteora a charg da nossa parcella no. 2645 ed a favur da las parcelas 2573 (restaurant Buffalora) e no. 2640 (PNS) vain approvà da la radunanza cun unanimità da vuschs.

Eir al contrat miss in net pel barat d'adöver da terrain cul Parc Naziunal Svizzer per l'Alp Buffalora chi'd as basa sün üna decisiun dals 27 favrer 1998 dal cumün da vaschins vegl da Zernez, approva la radunanza cun unanimità da vuschs.

5. Dumondas da cumprita da terrain e da servitut in connex cul schlargiamaint da la via chantunala dal Flüela sü Chant Sura

Dürant quista stà passada es gnüda schlargiada e renovada la via pro las duos stortas da Chant Surà. Fingià avant duos ons d'eira gnüda schlargiada e renovada la via da las duos stortas survart pro'l Scufilà Grond e la Lavina dals morts. La prosma etappa da renovar e schlargiar la via, es quella tanteraint speravia a la chasa dals stradins aint dal plan Chant Sura. Las duos dumondas chi stan in connex cun quista etappa sun gnüdas preschantadas e discussas, avant co trar las duos decisiuns cha la radunanza ha da trar in connex cun quist proget.

A la vendita da terrain da ca. 356 m² pel schlargiamaint da la via chantunala sco eir al contrat da servitut per üna lingia d'aua e forz'electric a charg da las parcelas 2446 e 2437 a favur dal Chantun Grischun ha la radunanza aderi sainza cuntravusch, cun las vuschs da tuottas 13 persunas preschaintas cun dret da vuschar. Il predsch cha'l chantun paja al meter importa fr. 2.50 e l'indemnisaziun per terrain chi vain dovrà d'ürant la fabrica importa fr. 2230.-.

6. Tschernas pel trienni dal 2021-2023

Cun quai cha tuot las persunas in carica as mettan a disposiziun per üna reelecziun e cun quai cha our da la radunanza nun sun per ingüens posts gnüdas augmantadas las propostas da candidats ha Jon Andrea Könz mincha jada proponü da far las tschernas in votaziun averta, quai cha la radunanza ha fat.

Uschè han las tschernas seguaint esit:

- **President**

Sco president es gnü reelet Rico Zala cun 12 vuschs ed üna abstenziun.

- **Suprastanza cumpletta**

In suprastanza sun gnüts reeletts: Mirco Depeder, Mattias Bulfoni, Peider Saluz e Hermann Thom cun 10 vuschs e trais abstenziuns.

- **Cumischiun sindicatoria (2 commembers)**

Eir ils duos commembers da la cumischiun sindicatoria: Christa Pinggera e Fabian Schorta sun gnüts reeletts sainza cuntravusch. Il trienni da carica dal terz commember, Jon Andrea Könz, düra amo duos ons.

7. Orientaziuns e Varia

Il president da vaschins, Rico Zala, orientescha

- Daspö l'ultima radunanza da vaschins nun haja dat ingünas natüralisaziuns simplifichadas ed eir ingünas dumondas da natüralisaziun dad esters e neir ingünas dumondas pel dret da vaschinadi da Zernez davart da svizzers.
- Pro la piazza da parcar sülla parcella da vaschins, sülla quala i's rechatta la Chasa Alossai, realisescha il cumün politic duos plazzas da parcar cun attach da forza per autos chi van cun electricità. Quellas vegnan realisadas süllas prümas duos plazzas da parcar sper la Via Suot, cunter il curtin da la chasa Dürst-Müller.

Da la tractanda varia nu vain fat oter adöver.

La radunanza po gnir serrada a las 21.05

Il president:

Rico Zala

L'actuar:

Hermann Thom